

ангелъ пришедъ с небесъ благовѣстить вамъ, а не яко же мы благовѣстихомъ, да буди проклять“. Вы же отринувше проповѣданье апостольское і святыхъ отецъ исправленье і приясте неправду і вѣру развращену, полну многия погубели. Того ради от насъ бысте отвержени. Того ради имъ с вами недостойно сужитья пріимати, ни къ божественымъ тайнамъ обще приступати, ни имъ к нашей, ни намъ къ ихъ, зане мертвымъ тѣломъ служите, мертва Господа призывающа. А мы служимъ [л. 28 об.] живымъ тѣломъ самого Господа жива видящи одесную Отца сидяща, і паки придетъ судити живымъ и мертвымъ. Вы же есте мертвыи, мертву жертву здѣваете, а мы живу Богу живу жертву приносимъ, — чисту, непорочну і животъ вѣчный обрѣсти. Тако бо писано: „Воздасться комуждо по дѣломъ его“. О Христѣ Исусѣ о Господѣ нашемъ, ему же слава. Аминь.

единъ Богъ, едина вѣра, едино крещенье. И Господь рече: „Тако бо лѣпо есть намъ исполнити волю“, — да сее все исполнивъ, толи възнесе ся, а ученикы посла на проповѣдачье. Ты по проповѣдании апостольствомъ толико лѣтъ дѣржавъ правую вѣру, свратилъся еси на зловѣрье по научению сотонину. Не слышите ли Павла глаголюща: „Аще и ангелъ пришедъ с небесе благовѣстить вамъ не яко же мы благовѣстихомъ, да будетъ проклять.“ Вы же отринувше проповѣдание апостольское и святыхъ отецъ исправления, прияте неправедное ученье и вѣру развращену и исполнену многия погубели. Того ради и от насъ бысте отвѣржени. Да того ради и намъ с вами недостойтъ сужития имѣти, ни къ божественнымъ тайнамъ объ[л. 102 об.]ще с вами намъ не приступати, ни вамъ к нашей службѣ, ни намъ къ вашей, — занеже мертвымъ тѣломъ служите, акы мертва Господа мняще, а мы службу творимъ живымъ тѣломъ, самого Господа жива видяще одесную Отца сѣдяща, и паки приидеть судити живымъ и мертвымъ. Вы же есте, о латинине, мрътви, иже мертву жертву съдѣваете, намъ живу Богу живу жертьву, — чисту и непорочну, приносяще животъ вѣчный обрѣсти. Тако бо и писано есть: „Въздасться комуждо по дѣломъ ихъ.“ О Христѣ.

III

¹ Въ среду 3 недѣли поста слово святаго Феодосіа на часѣхъ о терпѣнии и о любви. Господи, благослови.²

Что внесемъ, любимици мои, в миръ сѣй или что имамъ изнести? Не оставихомъ ли мира и яже в мирѣ по заповѣди³ Христовы, глаголавшаго: „Иже⁴ не възненавидитъ всего и послѣдуетъ ми, нѣсть ми ученикъ“, и паки: „Иже мя аще любитъ, и⁵ слово мое съхранитъ“, и „Иже душу свою погубитъ мене ради, обрящетъ ю“, и „Любы Божія не въ словесѣхъ съврѣшаегся, но в дѣлѣхъ дѣлелныхъ!“ Рече бо⁶: „Иже прѣбудеть в заповѣдехъ моихъ, [л. 103 об.] азъ възлюблю и и явлюся⁷ ему самъ; „Заповѣдъ бо нову даю вамъ: да любите друг друга, яко же и азъ възлюбихъ вы“ и⁸ ^{8а} „По сѣмъ⁹ разумѣють вси, яко мои ученици есте, аще любовь имате между собою“. Да аще хранимъ заповѣди его, и онъ възлюбитъ насъ, — рече бо Исусъ въ ономъ долѣзмъ и¹⁰ ношномъ наказаніи къ Юдѣ Скаріоту, глаголавшему: „Како есть, яко намъ хоцещи явитися,